



國家清史編纂委員會·文獻叢刊

七編

清代稿鈔本

第三一一冊

國家清史編纂委員會·文獻叢刊

七編

清代稿鈔本

第三一一冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第三一一冊目錄

經筵堂文抄 一

桃溪集 一二七

冬花庵燼餘稿 一七九

不櫛吟續刻 不櫛吟未刻稿 二七一

寸知室文稿 三六九

寶氏聯珠集 五九三

經筵堂文抄

不分卷

雷鉉 撰 郭麟 錄

鈔本

雷翠庭先生文集

原序

昔桐城方學士。賢江陰楊文定公之爲人。嘗與蔡文勤公書。歎其後無繼者。文勤以今副憲雷公對。公故文勤公弟子。而又嘗受文於學士者也。自學士與文勤公並死。而公遂以道德文章爲天下所宗。公之學。以躬行爲主。以仁爲歸。以敬義爲處。以人情事勢爲權衡。以六經爲食餌。以文藝爲紳佩。以獎引天下之士爲藩牆。而於邪正之界。流漸之潰。析未萌。防之尤豫。大要宗朱文公。而以薛文清陸清獻二公之書爲譜牒。公生平出處。按之固已無不合於道。及其所爲文章。則皆本其躬行所得者。而慰唁問答。解或條指。發德辨姦。析事類情。以綜王道之要。以會天命之精。以抒忠愛之忱。故其言渾厚而切至。安定而光明。寬而不衰。峻而不迫。沒而彌旨。約而彌餘。雖專門名家之士。調合心氣。敷陳短長。不能以有加也。韓子曰。君子慎其實。柳子曰。文以行爲本。歐陽子曰。道至矣。文不期而自至。觀於公文。而三君子之言益信矣。文定公道德顯聞。而文辭不概見於天下。及公立言以繼其後。則教彌著焉。故世以文勤公爲知人。仕琇夙以文辱公之知。公命序其文集。仕琇慙惶。未敢以應。旣公使催促。辭不獲請。不揣鄙陋。妄爲說之如此云。後學建寧朱仕琇謹序。

伊序

嘉慶丁卯歲。東綬既刻吾師陰靜夫先生遺集於揚州。將於甯翠庭先生經筵堂稿。會遭先君子大故以歸。服闋。執友吳清夫徵君以書促之。適連童徵君一齋掌教。誠正書院。相商推焉。先生質行。具詳行狀。敷奏之言。未嘗存稿。所著讀書偶記。已蒙採入欽定四庫全書中。自恥錄。聞見偶錄。詩集。未暇以詳。文集若干卷。謹選鈔得百篇。東綬竊惟。有德之言。所以載道。先生踐履篤實。言皆躬行心得之餘。使人讀之。見其肫然而誠也。肅然而敬也。藹然而好善也。近世高才博學。厭言心性者。病其腐與空耳。夫心虛靈不昧。性者仁義禮智信。君臣父子夫婦兄弟朋友五常之理。虞廷以之教。三代所共學。存之則人。去之則禽。敢以人為腐乎哉。乃若空則有之。致良知之說。實本告子生之謂性。漸入於釋氏之冥心。夫陸子義利之辨。朱子所服膺。姚江之事功。真足亘古今而軒天地。是皆百世之師也。而挾其流者。實歧於源。昔孟子已竝聖清任和矣。而曰隘與不恭。君子不由。孔子曰。學之不講。然則講明正學。由之力行。似必舍冥悟而歸實踐。初非黨同伐異之為也。至於拘守章句。置漢以來典籍於高閣。此則學者之陋。窮究經史子集。乃致知之事。不博何約。不熟於古今之句。將何以淑身而應當世之求。特不溺沒於詞章攷訂。而返求諸身心耳。先君子曾面承先生指誨。東綬不能紹承家學。及其將老。乃知向方。而愧悔無似。僭綴斯言於卷端。歲次辛未八月丁未朔。同里後學伊秉綬謹序。

都察院左副都御史雷公行狀

公諱鉉。字貫一。號翠庭。先世系出馮翊。自唐時由豫章遷閩之寧化人。曾祖某。祖某。俱隱居未仕。父某。縣學生。三代俱以公官。贈通奉大夫。通政使司通政使。曾祖妣某氏。祖妣某氏。俱贈夫人。妣李氏。封太夫人。太夫人生三子。公為長。自幼研窮經義。年十七。補縣學生。肄業鰲峯書院。時漳浦蔡文勤公掌教。公讀其學約。爽然知造道入德之方。雍正癸卯。舉於鄉。至都。寓文勤公邸。不投公卿一刺。時相國高安朱文端公與文勤公居比鄰。文勤公謂曰。高安素知子。子可一見。公以陸平湖在京不敢見。魏蔚州為比。公領之下第。後文端公禮先焉。乃往見。遂召所著易解屬校訂。庚戌會試報罷。時合河孫文定公以工部侍郎兼祭酒。過文勤公邸。公曰。孫公實為子來。當一往以答其意。公對曰。不敢也。將有保舉。毋乃近於自媒乎。文定公竟薦之。補國子監學正。癸丑會試中式。朝考第一名。朱文端公以踐履篤實才識明通薦。改庶吉士館。師桐城方望溪先生。負天下重望。於世士鮮當意者。獨心契公。公第一流人。相期許已而假歸。

今上繼承大統。召入侍。阿哥書房講讀。賜第內城。感疾未與散館。特授編修。遷諭德。其在書房。自持嚴正。而和婉善入。恪勤不懈。於中貴辭色不稍假。編修余君棟丁憂。召皇太子薨。入京留侍焉。公奏皇子侍學之人。必明大義。篤倫理。方於學術性情有助。余棟父喪未葬。若隱忍行走。則講書至宰我問三年章。何以措口。於天下風化有

關。於是余君得終制。丁父憂去官。服闋仍入

上書房。再遷至少詹事。充日講官起居

注。旋擢通政使。丙寅二月應詔陳言畧云。

上諭戒飭臺諫諸臣。處心積慮。總不外名利二途。此我

皇上裁成激厲。望其警惕猛省。以古之純臣為法也。然似因一二臣之言行不符。遂概疑及臺諫諸

臣。恐志欲建白者。形迹之間。近於博取虛譽。冀望陞遷。轉輒懷疑。徘徊中止。夫就臣子而

言。不惟不可計利。并不可好名。而在朝廷樂聞讜言。不必疑其好名。并不可疑其計利。又

云。孔子稱舜隱惡揚善。則知當舜之時。亦不皆有善而無惡。惟舜隱之揚之。所以嘉言

罔攸伏。明目達聰。用成執兩用中之至治。又云。信任忠良。練之臣。屏絕諂諛。設容悅之習。不為無

事之遊。幸以增費累。不耽無益之玩好。以妨幾務。奉硃批。雷鉉此奏。朕嘉納之。前謂

臺諫不外名利是圖。亦謂彼一時有此氣習耳。今則漸知省改矣。若夫大舜之隱惡揚

善。固朕所日勉焉。而未逮者也。三月。稽察覺羅右翼官學。賜宴瀛臺。八月。

命督浙江學政。賜詩有為汝便。因養老母之句。旋調任江蘇。條奏學政事宜。選

拔宜兼老成。重經學。貢生肄業成均。經義治事。宜核實舉行。改都察院左副都御史。視

學政如故。癸酉冬。又調任浙江。凡居江浙六年。公慎自矢。所舉拔多知名士。浙人謂不動

聲色。而弊絕風清。百年來所僅見。有知府勒教官捏報劣生。已別擢去。公核實劾之。

乙亥秋。浙西災。公寓書督撫。勸其入告。弗聽。乃自奏。即荷。

恩賑濟。民困以甦。丙子。陳情得請歸里。丁丑春。迎

駕江南。凡三蒙

召見。詢母年老狀。

御書宣榮綏祉四字。

賜焉。

命亟歸為母

壽。先是供職京師。前後蒙

賜福字。

及尚方珍物。不勝計。公天懷肫至。無一事不曲體

親心。朝夕視膳。問寢。謁然孺慕。根心生色。友愛兩弟。待族黨由親及疎。恩誼周篤。有

匱乏。量力欣之。常若欲然。律已嚴。而待人恕。從不逆詐。億不信。人亦卒無能欺者。倡修大宗

祠。復建三代祠。置產以豐祀事。己卯春。丁母憂。執喪毀瘠成疾。及葬。冒風露。陟原嶺。病

遂劇。彌留時。惟誨子孫孝友讀書。不及家事。十月廿五日遂卒。壽六十有四。公始學從蔡

文勤公遊。即手錄性理精義中總論為學之方。及立志存養省察致知力行數篇。以為繩

準。口誦心維。身踐。晝夜汲汲。無時或懈。稍有疎忽。即痛自刻責。若無所措其身者。文勤公稱

其為人如楊江陰。江陰者。文定公名時也。平日讀書窮理。研精覃思。識見周徹。洞悉自

古聖賢君子學術之純疵。一以程朱為宗。而凡流於異端似是之非者。不能惑也。嘗謂陸

王人品事功。卓然千古。學術則恐貽誤後人。因作象山禪學攷。陽明禪學攷。以示學者。

其在書房。進呈講義。力辨于危微之界。反覆於克念罔念之幾。以推極於天下治否。

生民休戚。莫非帝王之要道。於中朝名臣宿望。有浹於進取。自立崖岸者。必折節定交。

士有片善。必加搜討。所交多巖穴奇士。在江浙發學政條約。頒行小學書。刊布陸清獻

公年譜。以勸多士。每府試竣。輒召其學品優者。究名經史疑義。辨析學術源流。告以

劉公同堂文集

立志居敬窮理反躬之切務。一時觀感興起。爭自濯磨者。所在有人焉。有所造訪。或鄉里未知姓名。相顧不知何以得之。其佗條終身者。每見於文。寓惋惜之意。若集中五布衣詩。兩王生傳。是也。所著有經筵堂詩文集。自恥錄。聞見偶錄。讀書偶記。校士偶存。共若干卷。建寧朱君梅崖序其文集。有曰。公之學以躬行為主。以仁為歸。以敬義為堂戶。以人情事理為權衡。以六經為食餌。以文藝為紳佩。以獎引天下之為藩牆。而於邪正之界。流漸之漬。析之尤精。防之尤豫。大要宗朱文公。而以薛文清陸清獻二公之書為譜牒。生平出處。按之固已無一不合於道。所為文章。則皆本其躬行所得者。而慰唁問答。解感條指。發德辨姦。析事類情。以綜王道之要。以會天命之精。君子觀於斯言。亦可以知其大畧矣。配巫夫人。子男三人。定淳壬申。恩科舉人直隸東安縣知縣。定澍監生。定源貢生。女一人。適巫國維。孫四。光楠諸生。光槐監生。光榮諸生。光杰。曾孫男三。國樑諸生。餘幼。葬城東魚潭鄉之原。巫夫人附焉。謹撰次行狀。上之史館如右。同里陰承方謹狀。

經筵堂文鈔目錄

卷上下合鈔

上蔡梁村先生書

上方望溪先生

復彭芝庭前輩

與周撫軍書

答蔡葛山

陸宣公全集箋註序

朱子聖學考畧即要序

小學纂註序

胡敬齋先生文集居業錄合刻序

黃石齋先生遺集序

張楊園先生全集序

李白也先生詩集序

陸子遺書序

張敬菴先生鄉賢錄序

上方望溪先生書

復陳榕門前輩

與長汀趙邑侯書

與蔡巨源

答朱梅崖

蔡忠惠公全集序

真西山先生讀書記序

蔡虛齋先生文集序

林次崖先生文集序

劉戡山先生遺集序

重鋟楊園先生全集序

陸子年譜序

困學錄序

朱文端公文集序

張清恪公文集序

白田草堂存稿序

冠豸山堂集序

族兄用見遺文序

瘦瓢山人詩集序

重修浦江縣學記

歸化縣四賢詞記

重建鹿城書院碑記

竹山精舍記

知行存養論

燕太子丹論

寇準論

左傳晉公子重耳出亡反國攷

象山禪學攷

鷺湖詩說

閩典史傳

沈端恪公文集序

圭美堂集序

朱梅崖文集序

李雪崖時文序

張未瞻詩序

漳平縣朱子祠記

重建蘆峯書院記

姜忠肅公祠碑記

觀湖記

相臣論

王猛論

宋明大禮私議

蘧伯玉出處攷

陽明禪學攷

屯田說

張楊園先生傳

徐青牧先生傳

贈吏部尚書朱公家傳

黎敬孺傳

顧陸合傳

方望溪先生行狀

元侍郎伯顏子中墓碣

童寒泉墓誌銘

朱府君墓碣銘

王若濟先生墓誌

吳象方墓誌銘

伊介耳先生墓表

記所聞混同顧公事

江寧試院示諸生

杭州試院示諸生

寧波試院示諸生

台州試院示諸生

張敬庵先生傳

夏存齋家傳

伊孝廉家傳

兩王生小傳

張篁山先生行畧

齊峯蔡君墓誌銘

李簡菴墓誌銘

陳封翁墓誌銘

巫碧瞻墓誌銘

宋氏兄弟合葬墓表

西林鄂文端公逸事

記所聞相國福公語

金壇試院示諸生

湖州試院示諸生

紹興試院示諸生

金華試院示諸生

嚴州試院示諸生
處州試院示諸生
書湯子遺書後
書徐君賤災冊後

後學連城童積超

錢塘潘恭淮
同里伊念華

伊念曾
孫光槐曾孫

全校字

東林書院示諸生
答諸生問毛西河語
書鄂虛亭詩帖後
天生草堂集題辭

南海郭麟伯史氏錄

道光三十年
庚戌陳治同
謹代檢存

上蔡梁邨先生書

竊見吾師母好誦朱子諸封事。蓋忠愛懇摯之心。正直剛毅之氣。有默契者。故不禁津津不已也。猶憶丁未夏。沈端恪公至海澄。吾師誦朱子與陳丞相書。一日立乎其位。則一日業乎其官。一日不得乎其官。則不敢一日立乎其位。沈公深為敬動。蓋吾師能以此言自況。故以此言規人。沈公樂聞正言。不嫌剴切。比自古人之風。竊謂朱子告君相之言。有近今敵以下所難受者。苟欲斥依阿。唯諾之習。以振懦而戒諛。莫如讀朱子之文。吾師目入內廷講習。自必諄諄及此。古大儒碩畫嘉猷。使當時虛心採納。實力施行。其規局當何如。鉉行笥中有朱子文集選本一冊。比之全集。更易檢閱。凡關係理學經濟之文。皆已載入。敢呈記室。前日吾師自戒有多言之處。此省克工夫。非人所易窺。大抵閑處言多。到切要處。恐不得力。且於涵養氣象。或不相近。總在操存。遠密直到不動而敬。不言而信。地位耳。鉉愚無似。愧不能踐師教。萬一伏懇時加鞭策。俾稍有進步。他非所冀也。

上方望溪先生書

伏惟先生之文。非闡道翼教。有關人倫風化不苟作。子孫欲表揚其先世者。必參質其鄉之賢士大夫。真知灼見而後為之。蓋其慎也。不如是不足以徵信而垂遠也。鉉之遠祖諱詳。生八子。長伯泰。次伯立。伯馴。伯強。伯郡。伯御。伯邵。伯均。合墓於甯化縣之下沙村。子孫蕃衍。春秋展

墓衣冠相望。自伯泰公以至於鏐。二十有三世矣。兄弟八人之卒也。相去或數年。或一二十年。其生也有成言。歿必合葬。其後子孫無一敢違先志者。當日昆弟之友愛。與夫子孫孝謹之風。卽此可知。迄今八塚平列。墓碑巋然。此又不待詢其鄉之賢士大夫而後可憑者也。上世自秦中而豫章而徙於甯化。甯化爲閩嶠奧區。高人賢士足跡所罕至。用是不克表揚以有聞於世。年代既久。兵燹頻仍。其生平行事湮沒不可稽矣。鏐幸常侍左右。獲知百川先生存日。亦有兄弟三人同卹之命。與鏐先世事正合。敢請先生推錫類之仁以表其墓。俾雷氏後嗣永念先世孝友之風。不敢厚自菲薄。以忝厥祖。是先生一言。上以發潛德之光。下以教雷氏子孫於無窮。其有裨於人倫風化何如也。

上方望溪先生

前日侍左右。論及婦人改適事。獻所疑而未盡。竊思三代以上。所謂從一而終。皆習爲常故。不見紀錄。世風漸變。共姜守義。父母欲奪而嫁之。共姜作柏舟之詩以自誓。曰之死矢靡慝。蓋恐悼先王禮教。亂人倫之火經也。自東遷以降。人道漸滅。君父之大義不明。夫婦之倫尤瀆。春秋錄守節之婦。僅一紀叔姬。嗚呼。其可嘆也已。他如齊桓未絕少姬。而蔡人嫁之。魯人奪施氏婦以嫁。卻誓皆文武成康時絕無之事。故以秦始皇之無道。猶知有子而嫁。倍死不貞。設爲教禁。此可見天理民彝之不容泯滅也。自漢至唐。亦罕明先王之禮教。至伊川程子。餓死事小。失節事